

Bestel mar

't Keumt mei veur, ge zit allien, ge zit te baale
ge zit al oore lang te kieke nar ow schoon
niks te proate, niks te zeen, niks te beleave
oet vervealing gadde mar wat zinnigs doon
en met de hand deep in de tes loepte de stroat op
alles donker, lampe oet, gordiene dicht
en net als ge bedenkt: 'ik gaj nar hoes nar bed toe'
schient zachtjes in de verte 't verlossend licht

ach bestel mar, bestel mar, bestel mar
ge wet dat ik 't neet kan loate
nog efkes en dan begin ik
d'r wir duchtig langs te proate

in 't café an d'n tap wuurd 't mar latter
de klok die kunde doar neet zeen, die hengt te hoeg
van al dat beer werde stiekemaan mar zatter
't wuurd nou echt d'n hoegste tied um weg te goan
ge pakt ow pilske en ow knip um te betaale
keumt d'r net nog zonne blieje bij ow stoan:
'stel ow neet aan man, zoep d'r toch nog enne mei man,
wie denkt d'r nou zo vroeg al an nar hoes te goan'

ach bestel mar, bestel mar, bestel mar
ge wet dat ik 't neet kan loate
nog efkes en dan begin ik
d'r wir duchtig langs te proate

't wuurd drukker, de biljartclub keumt nar binne
verloare mar dat makt vur die niks oet
Dikke Piet zet dat 'ie vet haj kunne winne
mar d'n teagestand waas schienbaar toch wat groet
en zoe velt d'r doar wal aalt wat te beleave
minse koome doar nar binne, minse goan
al stort de ganse wereld inien 't kan niks geave
zolang 't beer en de café mar blieve stoan

[Muziek: Cesar Suedan ('Anselma'), tekst: Jack Poels]

[cd 'Boem', HKM, 1991]